

Broj: 01-01.3-2390-25/16 AZ

Datum: 12.12.2016. godine

Na osnovu člana 70. Zakona o javnim nabavkama ("Službeni glasnik BiH" broj 39/14 u daljem tekstu Zakon), člana 16. Pravilnika o javnim nabavkama, te preporuke Komisije za javne nabavke konstatirane u Zapisniku o pregledu i ocjeni ponuda broj 01-01.3-2390-24/16 AZ od 06.12.2016. godine, v.d.direktor Javnog preduzeća "Autoceste Federacije Bosne i Hercegovine" društvo sa ograničenom odgovornošću Mostar donosi sljedeću:

ODLUKU
o poništenju postupka javne nabavke
u otvorenom postupku

I

Postupak za nabavku usluga „Zakup oglasnog prostora u printanim, digitalnim i drugim medijima u cilju promocije rada JP Autoceste FBiH“ se poništava u skladu sa članom 69. stav (2) d) Zakona o javnim nabavkama jer nijedna od primljenih ponuda nije prihvatljiva.

II

Ponude ponuđača „Večernji list BiH“ d.o.o. Mostar, „Reach“ d.o.o. Sarajevo, „COMMUNIS“ d.o.o. Sarajevo, odbijaju u skladu sa članom 68. stav (1) i (4) i) Zakona o javnim nabavkama.

III

Ponuda ponuđača „Universal Media“ d.o.o. Sarajevo odbija se u skladu sa članom 68. stav (4) tačka i) Zakona o javnim nabavkama.

IV

U skladu sa članom 70. stav (6) Zakona JP „Autoceste FBiH“ d.o.o. Mostar će ovu Odluku objaviti na svojoj internet stranici: www.jpautoceste.ba i to istovremeno s upućivanjem Odluke ponuđačima koji su učestvovali u postupku nabavke.

Obrazloženje

Javno preduzeće „Autoceste Federacije Bosne i Hercegovine“ društvo sa ograničenom odgovornošću Mostar je u skladu sa članom 25. Zakona pokrenulo otvoreni postupak za dostavu ponuda broj 01-01.3-2390/16 AZ za nabavku usluga: „Zakup oglasnog prostora u printanim, digitalnim i drugim medijima u cilju promocije rada JP Autoceste FBiH“. Na Portalu javnih nabavki

dana 15.08.2016. godine objavljeno je Obavještenje o nabavci broj 266-1-2-231-3-69/16 i Ispravka za obavještenje o nabavci broj: 266-1-2-231-8-83/16 objavljena dana 28.09.2016. godine.

Kriterij za dodjelu ugovora je „najniža cijena“.

Na osnovu Obavještenja o nabavci i tenderske dokumentacije izvršeno je javno otvaranje ponuda dana 14.10.2016. godine u 12:30 sati u prostorijama Javnog preduzeća „Autoceste Federacije Bosne i Hercegovine“ društvo sa ograničenom odgovornošću Mostar, Operativni ured Sarajevo, Dubrovačka 6, Sarajevo, te sačinjen Zapisnik o otvaranju ponuda u skladu sa Zakonom o javnim nabavkama („Službeni glasnik BiH“ broj39/14). Komisija je na javnom otvaranju ponuda konstatirala da su ponude predala 4 (četiri) ponuđača.

Komisija je prema članu 65. Zakona pristupila pregledu i ocjeni ponuda, te sačinila Zapisnik o pregledu i ocjeni ponuda koji je sastavni dio ove Odluke.

Shodno prijedlogu Komisije za javne nabavke iz Zapisnika o pregledu i ocjeni ponuda broj 01-01.3-2390-24/16 AZ od 06.12.2016. godine postupak se poništava u skladu sa članom 69. stav (2) d) Zakona o javnim nabavkama jer nijedna od primljenih ponuda nije prihvatljiva, ponude ponuđača „Večernji list BiH“ d.o.o. Mostar, „Reach“ d.o.o. Sarajevo, „COMMUNIS“ d.o.o. Sarajevo, odbijaju u skladu sa članom 68. stav (1) i (4) i Zakona o javnim nabavkama, ponuda ponuđača „Universal Media“ d.o.o. Sarajevo odbija se u skladu sa članom 68. stav (4) tačka i) Zakona o javnim nabavkama.

Shodno navedenom Ugovorni organ je prihvatio prijedlog Komisije i donio Odluku kao u dispozitivu.

Pouka o pravnom lijeku:

Protiv ove Odluke može se uputiti žalba u roku od 10 (deset) dana od dana prijema ove Odluke. Žalba se izjavljuje Ugovornom organu u pisanoj formi direktno, elektronskim putem ili preporučenom poštanskom pošiljkom. Žalba se podnosi u dovoljnom broju primjeraka, a koji ne može biti manji od 3 (tri).

Prilog:

- Zapisnik o pregledu i ocjeni ponuda

**v.d. izvršni direktor za
ekonomsko-finansijske poslove:**

.....
Ivica Ćurić, MBA



v.d. direktor:

.....
Adnan Terzić, dipl.ing.geod.

Broj: 01-01.3-2390-24/16 AZ
Datum: 06.12.2016. godine

U skladu sa članom 65. Zakona o javnim nabavkama („Službeni glasnik BiH“ broj 39/14), članom 18. Uputstva za pripremu modela tenderske dokumentacije i ponuda („Službeni glasnik BiH“ broj 90/14) i članom 14. Pravilnika o javnim nabavkama JP „Autoceste FBiH“ d.o.o. Mostar, Komisija dostavlja:

ZAPISNIK O PREGLEDU I OCJENI PONUDA u otvorenom postupku

- Naziv i sjedište ugovornog organa:** JP „Autoceste FBiH“ d.o.o. Mostar;
- Predmet nabavke:** Nabavka usluga: „Zakup oglasnog prostora u printanim, digitalnim i drugim medijima u cilju promocije rada JP Autoceste FBiH“
- Evidencijski broj nabavke:** 01-01.3-2390-1/16 AZ;
- Vrsta postupka javne nabavke:** Otvoreni postupak;
- Procijenjena vrijednost nabavke:** 80.000,00 KM;
- Broj obavještenja o nabavci sa Portala javnih nabavki:** Obavještenje o nabavci broj: 266-1-2-231-3-69/16 objavljeno dana 15.08.2016. godine; Ispravka za obavještenje o nabavci broj: 266-1-2-231-8-83/16 objavljena dana 28.09.2016. godine;
- Datum početka pregleda i ocjene ponuda:** Komisija je počela da pregleda ponude 14.10.2016. godine;
- Naziv i sjedište svih ponuđača, prema redoslijedu zaprimanja ponuda:**
 - Večernji list d.o.o. Mostar sa ukupnom ponuđenom cijenom u iznosu od 3.452,90 KM sa uračunatim popustom 15% i PDV-om;
 - REACH d.o.o. Sarajevo sa ukupnom ponuđenom cijenom u iznosu od 55.860,68 KM sa uračunatim popustom 31,38% i PDV-om;
 - COMMUNIS d.o.o. Sarajevo sa ukupnom ponuđenom cijenom u iznosu od 60.401,02 KM sa uračunatim PDV-om;
 - UNIVERSAL MEDIA d.o.o. Sarajevo sa ukupnom ponuđenom cijenom u iznosu od 63.965,17 KM sa uračunatim popustom 28,46% i PDV-om;
- Podaci o pojašnjenju dokumenata u skladu sa članom 68. stav (3) Zakona ako ih je bilo:**
Nije traženo pojašnjenje dokumenata;
- Podaci o ispravkama, ukoliko su iste uočene u ponudi i koje su urađene na način da su vidljive (ispravljeni podaci moraju biti vidljivi), potvrđene potpisom ponuđača i sa datumom izvršene ispravke:** Nije bilo ispravki;
- Analitički prikaz traženih i dostavljenih dokumenata na osnovu koji se utvrđuje postojanje li razlozi isključenja ponuđača:**



RB	ANALIZA, PREGLED I OCJENA PONUDA	NAZIV PONUĐAČA			
		Večernji list BiH d.o.o. Mostar	Reach d.o.o. Sarajevo	Comunis d.o.o. Sarajevo	Universal Media d.o.o. Sarajevo
a)	Kvalifikacioni uvjeti:				
1.	<p>Lična sposobnost - kvalifikacija prema članu 45. ZJN:</p> <p>UVJET: U skladu sa članom 45. Zakona, ponuda će biti odbijena ako je ponuđač:</p> <p>a) u krivičnom postupku osuđen pravosnažnom presudom za krivična djela organizovanog kriminala, korupciju, prevaru ili pranje novca, u skladu sa važećim propisima u Bosni i Hercegovini ili u zemlji u kojoj je registrovan;</p> <p>b) pod stečajem ili je predmet stečajnog postupka, osim u slučaju postojanja važeće odluke o potvrdi stečajnog plana ili je predmet postupka likvidacije, odnosno u postupku obustavljanja poslovne djelatnosti, u skladu sa važećim propisima u Bosni i Hercegovini ili u zemlji u kojoj je registrovan;</p> <p>c) nije ispunio obaveze u vezi s plaćanjem penzionog i invalidskog osiguranja i zdravstvenog osiguranja, u skladu sa važećim propisima u Bosni i Hercegovini ili u zemlji u kojoj je registrovan;</p> <p>d) nije ispunio obaveze u vezi s plaćanjem direktnih i indirektnih poreza u skladu sa važećim propisima u Bosni i Hercegovini ili u zemlji u kojoj je registrovan.</p> <p>DOKAZ: U svrhu ispunjavanja uslova iz prethodne tačke ponuđači trebaju dostaviti Izjavu ovjerenu kod nadležnog organa (organ uprave ili notar) da se na njih ne odnose slučajevi definisani tačkom 7.1.1 od a) do d) tenderske dokumentacije. Izjava se dostavlja u formi utvrđenoj Aneksom 5 tenderske dokumentacije;</p>				
		+	+	+	+



2.	<p>Sposobnost obavljanja profesionalne djelatnosti:</p> <p>UVJET: Što se tiče sposobnosti za obavljanje profesionalne djelatnosti ponuđači moraju biti registrovani za obavljanje djelatnosti koja je predmet javne nabavke.</p> <p>DOKAZ: U svrhu dokazivanja profesionalne sposobnosti ponuđači trebaju uz ponudu dostaviti dokaz o registraciji u odgovarajućem profesionalnom ili drugom registru u zemlji u kojoj su registrovani ili da obezbijede posebnu izjavu ili potvrdu nadležnog organa kojom se dokazuje njihovo pravo da obavljaju profesionalnu djelatnost, koja je u vezi sa predmetom nabavke. Dostavljeni dokazi se priznaju, bez obzira na kojem nivou vlasti su izdati. Dokazi koji se dostavljaju moraju biti originalni ili ovjerene kopije.</p>				
	<p>Tehnička i profesionalna sposobnost</p> <p>UVJET: da posjeduju uspješno iskustvo u realizaciji ugovora, čiji je karakter i obim isti ili sličan uslugama koje su predmet nabavke: Zakup oglasnog prostora u printanim, digitalnim i drugim medijima u cilju promocije rada JP Autoceste FBiH u iznosu od 70.000,00 KM bez PDV-a (jedan ugovor ili više ugovora koji zbirno zadovoljavaju traženu vrijednost) u prethodne 3 (tri) godine.</p> <p>DOKAZ: spisak uspješno izvršenih ugovora o pruženim uslugama koje su predmet nabavke u posljednje 3 (tri) godine, ili od datuma registracije, odnosno početka poslovanja, ako je ponuđač registriran, odnosno počeo da radi prije manje od tri godine. Uz spisak izvršenih ugovora ponuđač je dužan dostaviti potvrdu ili potvrde (za ugovor u vrijednosti od 70.000,00 KM bez PDV-a odnosno ugovore zbirne vrijednosti od 70.000,00 KM bez PDV-a, koju su izdali krajnji korisnici), a koja obavezno sadrži:</p> <ul style="list-style-type: none"> a) naziv i sjedište ugovornih strana ili privrednih subjekata, b) predmet ugovora, c) vrijednost ugovora, d) vrijeme i mjesto izvršenja ugovora i e) navode o uredno izvršenom ugovoru. <p>U slučaju da se takva potvrda iz objektivnih razloga ne može dobiti od ugovorne strane koja nije ugovorni organ, važi izjava ponuđača o uredno izvršenim ugovorima, uz predočenje dokaza o učinjenim pokušajima da se takve potvrde obezbijede;</p>				

b)	Ispunjenost uvjeta u pogledu dostavljanja svih potrebnih dokumenata prema sadržaju ponude:				
1.	Popunjen obrazac za ponudu koji je dat u Aneksu 2 tenderske dokumentacije	-	+	-	+
2.	Popunjen obrazac za cijenu ponude koji je dat u aneksu 3 tenderske dokumentacije	-	+	-	+
3.	Izjava o ispunjavanju uslova iz člana 45. Zakona koja je data u aneksu 5 tenderske dokumentacije	+	+	+	+
4.	Dokaz o registraciji u odgovarajućem profesionalnom ili drugom registru u zemlji u kojoj je registrovan ponuđač ili da obezbjedi posebnu izjavu ili potvrdu nadležnog organa kojom se dokazuje njegovo pravo da obavljaju profesionalnu djelatnost, koja je u vezi sa predmetom nabavke	+	+	+	+
5.	Izjava o ispunjavanju uslova iz člana 52. Zakona koja je data u aneksu 7 tenderske dokumentacije	+	+	+	-
6.	Popunjen obrazac povjerljivih informacija koji je dat u aneksu 4 tenderske dokumentacije (ukoliko ih ponuđač ima)	+	+	+	+
7.	Potpisan i parafiran prijedlog okvirnog sporazuma koji je dat u aneksu 6 tenderske dokumentacije	+	-	+	+
8.	Parafiran Opis usluga Aneks 8	+	-	+	+
9.	Popis dokumentacije koja je priložena uz ponudu	+	+	+	+
c)	Prikaz prihvatljivosti ponuda prema obliku sadržaju i potpunosti				
1.	Cjelovitost ponude	+	+	+	+
2.	Uvezana u cjelinu /knjiga, obezbjeđena jamstvenikom/	+	+	+	+
3.	Ponuda napisana neizbrisivom tintom	+	+	+	+
4.	Pravilno numerisana ponuda	-	+	+	+
5.	Ponuda napisana na jednom od službenih jezika u BiH	+	+	+	+
6.	Ispravke u ponudi	+	+	+	+
7.	Računske greške	n/p	n/p	n/p	n/p
8.	Izmjene/dopune ponude i odustajanje od ponude	+	+	+	+
9.	Ponuda potpisana od strane ovlaštene osobe	+	+	+	+
10.	Dostavljena kopija ponude	+	+	+	+
	PRIHVATLJIVOST PONUDE da/ne	ne	ne	ne	ne

Napomena: (+) u skladu sa tenderskom dokumentacijom **zadovoljava**; (-) u skladu sa tenderskom dokumentacijom **ne zadovoljava**

12. Naziv i sjedište ponuđača koji se isključuju zbog neispunjavanja uslova za kvalifikaciju, te obrazloženje razloga njihovog isključenja za svakog ponuđača posebno:

1. Ponuda ponuđača „Večernji list BiH“ d.o.o. Mostar ispunjava sve uvjete propisane članom 45., 46. Zakona o javnim nabavkama, a uvjete iz člana 50. ne ispunjava u cijelosti i to iz sljedećeg razloga:

- Ponuđač je dostavio spisak izvršenih ugovora, ali uz isti nije dostavio potvrdu ili potvrde o uspješno realiziranom ugovoru što je u suprotnosti sa tačkom 7.4.2 tenderske dokumentacije, gdje jasno stoji „...Uz spisak izvršenih ugovora ponuđač je dužan **dostaviti potvrdu ili potvrde** (za ugovor u vrijednosti od 70.000,00 KM bez PDV-a odnosno ugovore

zbirne vrijednosti od 70.000,00 KM bez PDV-a, koju su izdali krajnji korisnici), a koja obavezno sadrži

- a) naziv i sjedište ugovornih strana ili privrednih subjekata,
- b) predmet ugovora,
- c) vrijednost ugovora,
- d) vrijeme i mjesto izvršenja ugovora i
- e) navode o uredno izvršenom ugovoru.

U slučaju da se takva potvrda/potvrde iz objektivnih razloga ne može dobiti od ugovorne strane koja nije ugovorni organ, važi izjava ponuđača o uredno izvršenom ugovoru, uz predočenje dokaza o učinjenim pokušajima da se takva potvrda/e obezbjedi;

Također, ponuda sadrži i formalno-pravne nedostatke i to sljedeće:

- U obrascu za dostavljanje ponude, Izjava dobavljača - Aneks 2, (str. 3 od 4) nije upisano ime i prezime osobe koja je ovlaštena da predstavlja dobavljača.
- obrazac za cijenu ponude za okvirni sporazum, Aneks 3 nije u potpunosti ispunjen, odnosno ponuđač je ponudio samo zakup oglasa 1/2 stranice color u Večernjem listu, što je u suprotnosti sa Općim uvjetima (ispod Obrasca za cijenu ponude) gdje stoji „...Za svaku stavku u Obrascu mora se navesti cijena, u protivnom će ponuda biti odbačena kao neprihvatljiva“
- Ponuda nije pravilno numerisana, odnosno prvih pet (5) stranica nije uopće numerisano, a što je u suprotnosti sa tačkom 8.1.4 tenderske dokumentacije, gdje stoji „...Svi listovi ponude moraju biti numerisane na način da je vidljiv redni broj stranice ili lista, u skladu sa članom 8. stav (6) i (7) Uputstva za pripremu modela tenderske dokumentacije i ponude....“

Shodno naprijed navedenom Komisija će dati preporuku Ugovornom organu da ponudu odbije kao neprihvatljivu u skladu s članom 68. stav (1) i 68. stav (4) i) Zakona o javnim nabavkama.

2. Ponuda ponuđača Reach d.o.o. Sarajevo ispunjava sve uvjete propisane članom 45., 46. Zakona o javnim nabavkama, a uvjete iz člana 50. ne ispunjava u cijelosti i to iz sljedećeg razloga:

- Ponuđač je uz spisak izvršenih ugovora dostavio i dvije potvrde o uspješno realiziranim ugovorima, međutim nijedna potvrda ne sadrži vrijednost ugovora, što je u suprotnosti sa tačkom 7.4.2 tenderske dokumentacije, gdje jasno stoji „...Uz spisak izvršenih ugovora ponuđač je dužan dostaviti potvrdu ili potvrde (za ugovor u vrijednosti od 70.000,00 KM bez PDV-a odnosno ugovore zbirne vrijednosti od 70.000,00 KM bez PDV-a, koju su izdali krajnji korisnici), a koja obavezno sadrži
 - c) naziv i sjedište ugovornih strana ili privrednih subjekata,
 - d) predmet ugovora,
 - f) **vrijednost ugovora,**
 - g) vrijeme i mjesto izvršenja ugovora i
 - h) navode o uredno izvršenom ugovoru.

U slučaju da se takva potvrda/potvrde iz objektivnih razloga ne može dobiti od ugovorne strane koja nije ugovorni organ, važi izjava ponuđača o uredno izvršenom ugovoru, uz predočenje dokaza o učinjenim pokušajima da se takva potvrda/e obezbjedi;“. Također, dostavljene potvrde nisu originali niti ovjerene kopije, što je u suprotnosti sa tačkom 7.4.3. tenderske dokumentacije gdje stoji „Ponuđač je dužan dostaviti u sastavu ponude originale ili ovjerene kopije dokumenata kojim dokazuje tehničku i profesionalnu sposobnost....“

Također, ponuda sadrži i formalno-pravne nedostatke i to sljedeće:

- Dostavljeni prijedlog okvirnog sporazuma nije parafiran, što je u suprotnosti sa tačkom 8.2.1 tenderske dokumentacije gdje stoji „Potpisan i parafiran prijedlog okvirnog sporazuma koji je **sastavni dio tenderske**

dokumentacije kao Aneks 6“

- Dostavljeni opis usluga nije parafiran što je u suprotnosti sa tačkom 8.2.1 tenderske dokumentacije gdje stoji „*Parafiran Opis usluga– Aneks 8“*

Shodno naprijed navedenom Komisija će dati preporuku Ugovornom organu da ponudu odbije kao neprihvatljivu u skladu s članom 68. stav (1) i 68. stav (4) i Zakona o javnim nabavkama.

3. Ponuda ponuđača „COMMUNIS“ d.o.o. Sarajevo ispunjava sve uvjete propisane članom 45., 46. Zakona o javnim nabavkama, a uvjete iz člana 50. ne ispunjava u cijelosti i to iz sljedećeg razloga:

- Ponuđač je uz spisak izvršenih ugovora dostavio i dvije potvrde o uspješno realiziranim ugovorima, međutim dostavljene potvrde nisu originali niti ovjerene kopije, što je u suprotnosti sa tačkom 7.4.3. tenderske dokumentacije gdje stoji „*Ponuđač je dužan dostaviti u sastavu ponude originale ili ovjerene kopije dokumenata kojim dokazuje tehničku i profesionalnu sposobnost....“*

Također, ponuda sadrži i formalno-pravne nedostatke i to sljedeće:

- Ponuđač nije ispunio u potpunosti Izjavu dobavljača iz Obrasca za ponudu - Aneks 2, odnosno strana 3 od 4 nije potpisana od strane ovlaštene osobe i ista je prekrivena
- Ponuđač je u Obrascu za cijenu ponude (predzadnji red) dopisivao tekst, čime je sadržinski izmjenjen Obrazac za cijenu ponude, što je nedopušteno

Shodno naprijed navedenom Komisija će dati preporuku Ugovornom organu da ponudu odbije kao neprihvatljivu u skladu s članom 68. stav (1) i 68. stav (4) i Zakona o javnim nabavkama.

4. Ponuda ponuđača „Universal Media“ d.o.o. Sarajevo ispunjava sve uvjete propisane članom 45., 46. i 50. Zakona o javnim nabavkama.

Međutim ponuda sadrži formalno- pravni nedostatak.

- Ponuđač je dostavio Izjavu iz člana 52. Zakona o javnim nabavkama, u kojoj je prilikom prekucavanja napravio grešku, gdje umjesto teksta „a u skladu sa članom 52. stav (2) pod punom materijalnom i kaznenom odgovornošću“ stoji „*a u skladu sa članom 45. stavovima (1) i (4) pod punom materijalnom i kaznenom odgovornošću“*

Shodno naprijed navedenom Komisija će dati preporuku Ugovornom organu da ponudu odbije kao neprihvatljivu u skladu s članom 68. stav (4) i Zakona o javnim nabavkama.

13. **Prikaz traženih i dostavljenih garancija za ozbiljnost ponude:** Ugovorni organ nije zahtijevao bankarsku garanciju za ozbiljnost ponude;

14. **Podaci o pojašnjenju ponuda:** Nije primjenjivo;

15. **Prikaz prihvatljivosti ponuda prema obliku, sadržaju i potpunosti iz zapisnika sa otvaranja ponuda:** Zaprimljene ponude uredno zapakovane;

16. **Analitički prikaz traženih i dostavljenih dokaza profesionalne i tehničke sposobnosti ponuđača:** Pogledati stavku 11. ovog Zapisnika;

17. **Analiza ponuda vezano uz ispunjenje zahtjeva u pogledu opisa predmeta nabavke i tehničkih specifikacija:** Pogledati stavku 11. ovog Zapisnika;

18. **Podaci o ispravkama računskih grešaka u ponudama ako ih je bilo:** Računska kontrola nije vršena, jer ponude nisu prihvatljive

19. **Naziv i sjedište ponuđača čije**

ponude se odbijaju na osnovu



rezultata pregleda i ocjene ponuda te obrazloženje razloga za njihovo odbijanje: Pogledati tačku 12. ovog zapisnika;

20. Razlozi za odbijanje ponude zbog neprirodno niske cijene: Nije primjenjivo;
21. Analiza prihvatljivih ponuda prema kriteriju za izbor ponude: Nema prihvatljivih ponuda;
22. Rangiranje prihvatljivih ponuda prema kriteriju za izbor ponude: Nema prihvatljivih ponuda;
23. Naziv ponuđača s kojim ugovorni organ namjerava zaključiti ugovor o javnoj nabavci i razlozi za njegov izbor: Nije primjenjivo;
24. Podaci o dijelu ugovora koji se daje u podugovor i podatke o podizvođaču: Nije primjenjivo;
25. Podaci o provjeri najpovoljnijeg ponuđača sa kojim ugovorni organ namjerava zaključiti ugovor o javnoj nabavci: Nije primjenjivo;
26. Prijedlog odgovornoj osobi ugovornog organa za donošenje odluke o izboru ili odluke o poništenju, s obrazloženjem: Komisija daje prijedlog v.d. direktoru Javnog preduzeća "Autoceste Federacije Bosne i Hercegovine" društvo sa ograničenom odgovornošću Mostar da donese sljedeću Odluku:
1. Postupak se poništava u skladu sa članom 69. stav (2) d) Zakona o javnim nabavkama jer nijedna od primljenih ponuda nije prihvatljiva.
 2. Ponude ponuđača „Večernji list BiH“ d.o.o. Mostar, „Reach“ d.o.o. Sarajevo, „COMMUNIS“ d.o.o. Sarajevo, odbijaju u skladu sa članom 68. stav (1) i (4) i) Zakona o javnim nabavkama.
 3. Ponuda ponuđača „Universal Media“ d.o.o. Sarajevo odbija se u skladu sa članom 68. stav (4) tačka i) Zakona o javnim nabavkama.
27. Datum završetka postupka pregleda i ocjene ponuda: Komisija je završila pregled i ocjenu ponuda dana 06.12.2016. godine;
28. Ime i prezime te potpis ovlaštenih predstavnika ugovornog organa koji su izvršili pregled i ocjenu ponuda:

Članovi komisije:

Lejla Hodžić, predsjednik komisije

Senada Lizde, član komisije

Narcisa Livnjak-Borić, član komisije

Za sekretara Komisije imenovana je Aida Zeba;

29. Popis priloga uz zapisnik (zahtjevi za pojašnjenjem i/ili upotpunjavanjem dokumenata i ponuda, zahtjevi za dostavom originala ili ovjerenih kopija traženih dokumenata, zahtjevi za prihvatanjem ispravke računске greške, zahtjevi za objašnjenjem neprirodno niske cijene, dostavljeni dokumenti, pojašnjenja, objašnjenja, prihvatanje ispravke, mišljenje stručne službe ugovornog organa ili stručne osobe, i sl.): Ovaj zapisnik nema priloga.

Saglasan:

Adnan Terzić, dipl.ing.geod.